
SESI LIBAT URUS PENGGIAT INDUSTRI BERSAMA YB MENTERI KANAN KERJA RAYA DAN YB MENTERI DI JABATAN PERDANA MENTERI (EKONOMI)

KUALA LUMPUR - Satu sesi Libat Urus Penggiat Industri Pembinaan bersama YB Dato' Sri Haji Fadillah bin Haji Yusof, Menteri Kanan Kerja Raya dan YB Dato' Sri Mustapa Mohamed, Menteri di Jabatan Perdana Menteri (Ekonomi) telah diadakan di Kompleks Kerja Raya, Kementerian Kerja Raya Malaysia.

Tujuan sesi libat urus kali ini adalah untuk mendapatkan pandangan, cadangan dan maklumbalas mengenai impak Pandemik COVID-19 terhadap industri pembinaan. Pada suku pertama tahun 2020, telah berlaku penurunan sebanyak 4.5% sumbangan sektor pembinaan kepada Keluaran Dalam Negeri Kasar (KDNK). Pada suku tahun kedua, sumbangan sektor ini telah menyusut kepada 3.1%.

Hasil daripada sesi libat urus ini akan dijadikan input oleh Kementerian Kerja Raya dan Jabatan Perdana Menteri (Ekonomi) untuk perhatian dan pertimbangan selanjutnya.

Industri pembinaan Malaysia turut mengalami kerugian bernilai RM11.6billion pada fasa pertama dan fasa kedua semasa Perintah Kawalan Pergerakan (PKP) mulai 18 Mac hingga 14 April 2020. Namun begitu, nilai kerugian ini menurun kepada RM6.9billion setelah 13 sub sektor industri pembinaan dibuka pada 15 April 2020.

KEMENTERIAN KERJA RAYA
22 SEPTEMBER 2020

Dikeluarkan oleh:

Unit Komunikasi Korporat | Kementerian Kerja Raya Malaysia

☎ : 03- 8000 8000 / D.L :03-2771 4616 / 4627 | 📠 : 03-2711 1101

Laman Web : www.kkr.gov.my |  Kementerian Kerja Raya |  @MOWorks |  Pro@kk.gov.my